

Vater ist von ewigkeit gezeu-
get/ vnd eines wesens mit dem
Vater vnd heiligē Geist/ wie er
sagt/ Ich vnd der Vater seind
eins. Joh. 10. vnd 17.

60. Warumb hat Christus müs-
sen wahrer Gott sein?

Das er den Todt könnte vber-
winden / vnd das ewige leben
wider geben. 1. Joh. 4. Gott
hat seinen eingebornen Sohn
in die Welt gesandt / das wir
durch ihn Leben sollen.

61. Was ist die Menschliche Nas-
tur Christi?

Nach welcher er mit vns/
beyde an Leib vnd Seel/ eines
wesens ist / außgenommen die
Sünde Hebr. 4.

62. Warumb hat er müssen warer
gerechter Mensch seyn?

Das er für vnser sünde könn